

15. maj 2008.

Nalunaarut nr. 352.

**Kalaallit Nunaanni ilinniarnertuunngorniarluni ilinniartinnit  
soraarummeertarneq pillugu nalunaarutip allanngutaa pillugu nalunaarut  
(GU—mi soraarummeernermit nalunaarut)**

(13-skalamiit 7 trinsskalamut allanngortitsineq aamma bonus A-mik atulersitsineq)

**§ 1**

Kalaallit Nunaanni ilinniarnertuunngorniarluni ilinniartinnit soraarummeertarneq pillugu nalunaarummi nr. 747, 29. juni 2006-imeersumi (GU-mi soraarummeernermit nalunaarut) makku allannguutit suliarineqarput:

1. § 51, imm. 2-mi ”soraarummeernerit inernerat” taarserneqarpoq ”soraarummeernermit angusaagallartut”-mik.
2. § 51, imm. 3-mi ”soraarummeernerit inernerat” taarserneqarpoq ”soraarummeernermit angusaagallartut”-mik.
3. § 58 ima oqaasertaqarpoq:  
” § 58. GU-mi soraarummeernermit allagartami allanneqassaaq
  - 1) § 51 malillugu naatsorsueriaatsimi karakterit ilaasut; ukiumut karakterit taamaatiinnarlugit nuunneqarsimasut,
  - 2) immikkoortukkaani karakterit, takuuk GU-mi pillugu nalunaarummi fagit ataasiakkaat pillugit malittarisassat,
  - 3) ataatsimut fagini sorlertimi assilialiorluni eqqumiitsuliornermi imaluunniit nipilersornermi atuartoq ukiuni pingasuni ilinniarnertup ingerlannerani (fagini ataasiakkaani atuartuusinnaavoq) atuartitsinermik malinnaasimanersoq, aamma
  - 4) siusinnerusukkut soraarummeerfigereersimasinnaasat piffissami soraarummeerfiusumi sumi aamma sorlertimi soraarummeernerit immikkoortui soraarummeerfigineqarsimanersut.

*Imm. 2.* Soraarummeernermit allagartami allanneqassaaq ”Soraarummeernermit angusaagallartoq” kiisalu ”Soraarummeernermit angusat”.

*Imm. 3.* Soraarummeernermit angusaagallartoq 13-skalaminnangaanniit 7-trinsskalamut allanngortinneqassaaq. Allannngortitsineq pissaaq allannngortitsinissamut najoqqutassaaq ilanngussaq 2-miittoq malillugu. Soraarummeernermit angusaagallartunik allannnguisoqassagaluarpat, takuuk imm. 4, ingerlanneqassaaq 7-trinsskala-mut allannngortitsineq malillugu.”

*Imm. 4.* Atuartumut, GU pillugu nalunaarut malillugu ataannartumik ilinniarnertuunngorniarluni ilinniarsimasoq, saniatigut fagimik A-niveau-mik ilinniarsimasumut, ”Soraarummeernermit angusat” naatsorsorneqassaaq ”Soraarummeernermit angusaagallartut”-tut 1,03-mik amerlisarlugu saniatigut A-niveau-mik fagimik naammassisaqarnermit aamma 1,06-imik amerlisarlugu marlunnik imaluunniit amerlanerusunik saniatigut fageqarsimanermit A-niveau-inik. Atuartut ilaannut ”Soraarummeernermit angusat” assigaa ”Soraarummeernermit angusaagallartut”.

4. Ilangussaq 2-tut ilanngunneqarpoq ilanngussaq 1 nalunaarummi uani.

**§ 2**

Nalunaarut atuutilerpoq ulloq 19.maj 2008.

*Undervisningsministeria, ulloq 15. maj 2008*

IMMIKKOORTORTAMI PISORTAQ

JARL DAMGAARD

/Helle Kristensen

## Ilanngussaq 1

### 13 skalamiit 7-trinsskalamut

2005-imi Danmarkimi ”Karakterskala aamma allatut naliliineq pillugit nalunaarut”-ikkut 7-trinsskala atulersinneqarpoq. Tamatum kingunerisaanik 2007-imi ilinniarfinnut tigusaanermiit aallartittumik Danmarkimi ilinniarfinni ingerlaqqiffiusuni tigusaaneq 7-trinsskala malillugu pisalerpoq.

Ilinniarfinni ingerlaqqiffiusuni tigusaaneq pisarpoq qinnuteqartup tigusaassutissaminik soraarummeerutigisamini 7-trinsskalatut nalunaarneqarsimasut soraarummeernerisa agguaqatigiissinnerannit.

#### *13-skalamiit 7-trinsskalamut allanngortitsineq*

Najoqqutassiaq 1 ikiorsiullugu qinnuteqartut 13-skalamik soraarummeernermit inernerinik peqartut akulerunneqarsinnaapput qinnuteqartunut 7-trinsskalamik soraarummeernermit inernerinik peqartunut, ilinniarfinnullu ingerlaqqiffiusunut tigutinnissamut kvote 1-imik killiligaasuni pingaarnersiullunilu tulleriarnermi ajunngitsumik inissinneqarlutik.

#### *Najoqqutassiaq 1 Karakterit agguaqatigiissinneranni allanngortitsinermut najoqqutassiaq*

<b>13-skala</b>	<b>7-trins-skala</b>	<b>13-skala</b>	<b>7-trins-skala</b>	<b>13-skala</b>	<b>7-trins-skala</b>
6,0	2,0	7,7	5,3	9,4	9,0
6,1	2,2	7,8	5,5	9,5	9,2
6,2	2,4	7,9	5,8	9,6	9,4
6,3	2,6	8,0	6,0	9,7	9,6
6,4	2,8	8,1	6,2	9,8	9,8
6,5	3,0	8,2	6,4	9,9	10,0
6,6	3,2	8,3	6,6	10,0	10,2
6,7	3,4	8,4	6,8	10,1	10,4
6,8	3,6	8,5	7,1	10,2	10,5
6,9	3,7	8,6	7,3	10,3	10,7
7,0	3,9	8,7	7,5	10,4	10,8
7,1	4,1	8,8	7,7	10,5	11,0
7,2	4,3	8,9	8,0	10,6	11,2
7,3	4,5	9,0	8,2	10,7	11,4
7,4	4,7	9,1	8,4	10,8	11,6
7,5	4,9	9,2	8,6	10,9	11,8
7,6	5,1	9,3	8,8	11,0 taas-sumanngalu aneq	12,0